




KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Vol 1, No. 9

website: www.geocities.com/navaldiocese

Abril 2005



Most Rev. Filomeno G. Bactol, D.D.

Mensaje

“KALINAW UG PAGKABANHAW”

“*Ang kalinaw maanaa kaninyo!*” Mao kini kanunay ang unang mga pulong nga litukon ni Hesus sa diha nga

magpakita siya sa mga apostoles ug sumusunod niya human siya mabanhaw.

“*Ang kalinaw maanaa kaninyo!*” Mao usab kini karon ang iyang mga pulong alang kanato human nato masaulog ang iyang kasakit sa krus sa miaging Biyernes Santo.

Kay ang pagkabanhaw ni Kristo nagtawag kanato sa pagmaya tungod kay nahatagan ra gayud kita sa kaluwasan. Ug uban sa maong pagmaya mao ang hagit sa pagbag-o sa atong kinabuhi.

Apan makabag-o lamang kita sa atong kinabuhi kun sa walay kukahadlok atubangon nato ang krus ug pas-anon ta kini. Sama nga si Kristo sa walay kukahadlok mipakita nga aduna siyay baruganan pinaagi sa pagpas-an sa iyang krus, nan kita usab gitawag sa pagbarug uban kaniya. Andam ba kita sa pagpas-an sa atong krus?

Pipila ka ehemplo sa mga krus nga atong gipas-an karon: kawad-on, graft and corruption, nagtikaut-ut nga ekonomiya, kataas sa mga palaliton, “ligtas-buntis, abortion! Pagkapait sa atong mga palas-anon!

Apan ang mga pulong ni Kristo sa kalinaw maoy magdala kanato sa kadaugan. Sama usab nga si Kristo mipas-an sa iyang Krus nga puno sa kalinaw sa iyang kasingkasing tungod kay nasayud man siya nga pagbuot kini sa Amahan ug nga magdala kini kaniya ngadto sa kadaugan sa pagkabanhaw.

Ang pagkabanhaw ni Kristo wala magkuha sa atong mga palas-anon. Hinunua, naghatag kini kanato sa grasya nga atubangon ta ang atong mga palas-anon sa walay kukahadlok. Kay dinha lamang sa pagpas-an sa krus maiangat nato ang atong tawhanon nga kahuyang ngadto sa gihingyap nato nga kaluwasan.

Maayong Pasko sa Pagkabanhaw!

Bishop FILOMENO G. BACTOL, D.D.
ug mga Kaparian sa Naval



PAMALANDONG SA EBANGHELYO

Abril 3, 2005 : Ikaduhang Domingo Sa Pagkabanhaw
Basahon : Buhat. 2:42-47 / 1 Pt. 1:3-9 / Juan 20:19-31

Tema:

“Nakita namo ang Ginoo!” Nagpakita ang nabanhawng Ginoo ngadto sa iyang mga tinun-an. Galing lang wala didto si Tomas. Ngadto kanila gipakita ni Hesus ang mga samad sa iyang pagpasakit, iyang gipaambit kanila ang kalinaw ug gihuypan niya sila sa Espiritu nga maoy maghingpit sa buhat sa kaluwasan pinaagi kanila. Apan si Tomas nga igo lang miambit sa maong kasinatian pinaagig taho nanginahanglan og lawasnong pagmatuod.

Matingala kita sa iyang pagbasol. Dili baya sayon ang pagdawat uban ang pagtuo. Si Tomas nagpanhinumdum lang kanato sa atong panginahanglan sa pagmatuod pinaagig hikap. Wala siya mosalig sa bisan unsang butang sa pagtuo nga dili mapamatud-an sa iyang inadlawng-adlawng kasinatian. Ang Ginoo midawat niining maong panginahanglan . Unya tapos sa walo ka adlaw, mitugot ang Ginoo sa iyang gipangayo. “Itapion ang imong mga tudlo sa akong kilid. Tuo ug ayaw na pagduhaduha!”

Kitang magtutuo sa ika-20 nga siglo, magpabilin ba lang gihapon nga dili matandog sa liturhikanhong kasaulogan sulod niining panahona sa Pagkabanhaw? Kontento na ba lang kita nga mosubli pag-ingon: Bulahan kadtong motuo bisan wala makakita kanako?” Ang kang Tomas nga kasinatian kinahanglan mamahimo usab nga atong kasinatian. Kinahanglan maningkamot kita aron mamahimong mahikap ug makit-an ang gahum sa Pagkabanhaw diha sa atong kinabuhi. Tugotan nato ang gahum sa Ginoo sa pag-alim sa mga samad sa

pagpanlupig. Ang atong pagkatingala maghimo unta kanato nga bukas ngadto sa mga sorpresa sa pagtuo. Busa mahimo kitang motuo bisan pa sa mga daw imposibleng butang ug buhaton nato ang tanan aron mamahimong buhi ang atong pagtuo. Ingon unta niini ang atong pagkinabuhi aron si Hesus mamahimong “Ginoo ko ug Dios ko” alang sa matag usa kanato.

Pamalandongi kini:

1. Kumusta na ang imong pagtuo?
2. Imo bang gihimo ang tanan aron mamahimong buhi sa kanunay ang imong pagtuo? Makit-an ba ang imong pagtuo diha sa imong adlaw-adlawng pagkinabuhi?

Abril 10, 2005: Ikatulong Domingo Sa Pasko Sa Pagkabanhaw
 Basahon: Acts 2: 14, 22-33 / 1 Pt. 1: 17-21
 Lucas 24:13-35

Tema:

Ang katawhan sa Dios kanunay gayong nagapanaw. Sukad sa sinugdan sa Kwaresma, ato nang gisubay ang ilang mga tunob bisan gikan sa tanaman sa Eden ngadto sa tanaman diin nahamutang ang lubnganan nga wala nay sulod. Dili gayod kadto sayon nga panaw kay gidala man sila latas sa kamingawan ug sa deserto. Gikan sa kaulipnan gidala sila ngadto sa gisaad nga yuta, ngadto sa pagkabihag ug usab sa ilang pagkahibalik. Sayod sila kon unsa ang paglakaw subay sa walog ug sa landong sa kamatayon. Apan wala sila mag-inusara pagpanaw. Ang maunongong Dios mipadayag sa iyang presensya ngadto kanila pinaagig kalayo ug sa panganod, diha sa pan nga


gikan sa langit ug sa tubig gikan sa bato ug diha sa pulong sa mga propeta.

Natapos ang ilang sugilanon diha sa paglabang nga gihimo ni Hesukristo sa ilang ngalan. Usa kadto ka panaw gikan sa kamatayon ngadto sa kinabuhi nga maoy gisaulog nato sulod niining Domingo panahon sa Pagkabanhaw, sama sa gipahinumdom kanato sa unang mga pagbasa niining adlaw.

Apan wala matapos ang maong panaw. Kita,ang katawhan sa Dios, ania pa nagapanaw padulong ngadto sa ginharian sa Dios aron hingpiton kini. Ug dili usab kini sayon nga panaw. Adunay mga higayon nga kinahanglan moagi kita latas sa mga kamingawan sa atong pagduhaduha ug sa deserto sa atong pagka-walay paglaum. Kini sama gayod sa nahiagoman sa unang mga tinunan. Dad-on kita niini gikan sa paglaum ngadto sa kapakyasan, ngadto sa pagkalibog ug usab balik sa paglaum. Panaw kini nga gitiman-an sa ilhanan sa krus. Apan sama sa atong mga katigulangan wala kita magpanaw nga nag-inusara. Ang Ginoo nga atong gisunod nagtultol kanato sa dalan pinaagi sa pulong nga gisangyaw sulod sa atong mga panagtigom. Diha sa pagpikas-pikas sa pan, gipadayag niya ang iyang kaugalingon nga pagkaon nga maoy balonon sa pagpanaw.

Pamalandongi kini:

Kumosta na man ang imong panaw? Nasinati mo ba ang kamaunongon sa Dios?

 <p>KATILINGBAN <small>Ang oryental nga mensahero sa Basik Espiritual Community (BEC) sa panitay sa Mind</small></p> <p>TEAM MINISTRY <i>Team Moderator:</i> Bishop Filomeno G. Bactol, D.D. <i>Team Members:</i> Fr. Marvyn A. Maceda Fr. Benjamin C. Pantas Fr. Jesus G. Ty Fr. Kenneth Hendricks Fr. Dario Bebillo Fr. Bing Colasito</p>	<p><i>Editor:</i> Alfredo Paghubasan</p> <p><i>Writers/Researchers:</i> Salvador Castro Reymund Icaín Ramises Bongabong Linda Roldan Eudoxia Canonoy Necitas Casado Catalina Machete Gualberto Tonelete</p> <p><i>Encoders:</i> Vinna Sabroso Sonia Pitao Josephine Romero</p>	<p><i>Circulation Managers:</i> Jorge Manco Danilo Jayubo Jonnel Quilaneta Alfredo Olaer</p> <p><i>Business Managers:</i> Rizalito V. Curso Conchita Calvez</p> <p><i>Computer Specialist</i> Oscar O. Borrinaga</p>
--	--	---

Abril 17, 2005 : Ika-Upat Nga Domingo Sa Pasko
Sa Pagkabanhaw
Basahon : Acts 2: 14,36-41 / 1Pt. 2:20-25 Juan 10:1-10

Tema:

Sa kayutaan sa Palestinhon ang mga magbalantay sa karnero maoy hinungdanong mga tawo. Anaa kanila ang tumang katungdanan alang sa panon sa karnero nga maoy gisaligan sa ilang katawhan. Kinahanglan mangita sila sa sarang kasibsiban ug kaimnan sa ilang mga karnero didto nianang deserto. Bantayan nila ang mga hayop gikan sa mabangis nga mga manunukob ug sa mga tulisan, gani usahay ang ilang kinabuhi maoy mahimong bugti sa ilang paghimo niini. Kon dili maunongon ang mga magbalantay, hayan mangamatay gayod ang mga karnero. Mao na nga dili ikahibulong nga ang katawhan sa Karaang Kasabutan mihulagway sa Dios nga usa ka maayong magbalantay, usa ka tig-amoma ug tigpanalipod sa panon nga mao ang Israel.

Ang tumang kahingpitan niining maong paghulagway nakit-an sa Simbahan diha sa nabanhawng Cristo nga mitahan sa iyang kaugalingong kinabuhi aron mamahimong tinubdan sa kinabuhi alang sa iyang katawhan. Gibusog niya ang iyang panon pinaagi sa pulong ug sa pan sa kinabuhi. Niining nagkasagol nga paghulagway sa ebanghelyo karong adlaw, siya mao ang ganghaan nga maoy ilang agian aron ang panon ug ang magbalantay mahalikay ug mapanalipdan gikan sa mga paghulga sa dautan.

Sa unang Sulat ni San Pedro, si Cristo nga magbalantay sa karnero ginganlag "Magbalantay sa inyong mga kalag." "Ang Griyego nga pulong nga gigamit mao ang "episkopos" nga sagad gihubad ngadto sa pulong Obispo. Bisan kon si Cristo dili na nato makit-an sa atong mga mata sama sa nasaksihan nila nga unang namati kaniya, siya padayong nagbusog ug nag-atiman kanila kanila pinaagi sa mga ministro sa Simbahan. Unya sa Domingo sa Maayong Magbalantay, magpasalamat kita tungod sa gasa sa tanang maayo ug maunongong magbalantay sa karnero nga mitahan sa ilang mga kinabuhi diha sa ilang adlaw-adlawng pag-alagad sa panon sa Ginoo.

Pamalandongi kini:

Ingon ba usab niini kasuod ang imong relasyon sa Ginoo, sama sa magbalantay ug sa panon?

Abril 24, 2005: Ika-Limang Domingo Sa Pasko
Sa Pagkabanhaw
Basahon : Acts. 6:1-7 / 1 Pt. :4-9 Juan 14:1-12

Tema:

Kinsa bay dili maghinamhinam nga makapauli sa kaugalingon panimalay? Gipahibalo ni Hesus ang iyang pagbiya ginamit kining mga pulong nga naghambin sa usa ka tawhanong pangandoy. Si Hesus mag-una sa iyang mga tinun-an aron pag-andam og luna alang kanila. "Ako mao ang Dalan" ug "Ako mao ang Pultahan sa mga Karnero" (Juan 10:7), kining duha managsamang salikwaut nga mga pagpadayag, apan makatabang sila sa pagtuki sa unsay mga gipasabot sa kasinatian sa Kabanhawng.

"Nahibalo kamo unsaon pag-adto sa dapit nga akong adtoan" (Juan 14:4) Makasabot baya kita sa sayop nga pagsabot nila Tomas ug ni Felipe. Buot lang nilang masuta kon asa agi ug asa makit-an ang Amahan. Mosunod lang kita kaniya. Ang nakakita kaniya nakakita na sa Amahan. Si Hesus mao ang Dalan, ang Kamatuoran ug ang Kinabuhi tungod kay siya nahiusa man sa Amahan: anaa siya sa Amahan ug ang Amahan anaa kaniya.

Ang tinuod nga Cristuhanong pagtuo wala baya gililong. Wala kita magtuo sa usa ka Dios nga walay nawong. Ang Cristohanong pagtuo nagtudlo kanato sa pag-ila sa Dios diha sa nawong ni Hesus nga taga-Nazaret. Pinaagi sa atong pag-ila sa iyang nawong diha sa nagusbat nga mga nawong nila kansang mga pag-antus iyang gipas-an sa krus, atong makaplagaan ang atong puloy-anan diha kaniya.

Pamalandongi kini:

Nahasubay ba ang imong kinabuhi sa dalan nga gilatid ni Cristo? Nakit-an ug naila ba nimo si Hesus diha sa nanag-antus nimong isigkatawo?

 *Mga Awit...*



Gitik-gitik sa Kinabuhi

(Source: Hometown Naval website)

TELL THE WORLD WITH HIS LOVE

FOR GOD SO LOVED THE WORLD
HE GAVE US HIS ONLY SON
JESUS CHRIST OUR SAVIOR
THE MOST PRECIOUS ONE

HE HAS SENT US HIS MESSAGE OF LOVE
AND SENDS THOSE WHO HEAR
TO BRING THE MESSAGE TO EVERYONE
IN A VOICE LOUD AND CLEAR

REFRAIN:

LET US TELL THE WORLD OF HIS LOVE
THE GREATEST LOVE THE WORLD HAS KNOWN
FOR THOSE WHO HAVE WALKED ASTRAY
AND LEAD THEM HOME

FILL THE WORLD'S DARKEST CORNERS
WITH HIS LIGHT FROM UP ABOVE
WALK EVERY STEP
EVERY MILE, EVERY ROAD
AND TELL THE WORLD

TELL THE WORLD OF HIS LOVE
(REPEAT 1, 11, & REPEAT REFRAIN 2X)

THE GREATEST LOVE THE WORLD HAS KNOWN
WALK EVERY STEP, EVER MILE
EVERY ROAD AND TELL THE WORLD

(TELL THE WORLD OF HIS LOVE)
TELL THE WORLD
(TELL THE WORLD OF HIS LOVE)
TELL THE WORLD OF HIS LOVE
TELL THE WORLD...OF HIS LOVE

Doktor: Unsa ma'y nahitabo sa imong mga talinga?
Berto: Pag kiriring sa telepono, gipunit nako ang plantsa.
Doktor: Unya, nganong napasos man ang duha ka talinga?
Berto: Buang siya, Dok! Ningtawag ug utro!
-oOo-

Anak: 'Nay, tinuod ba nang "First love never dies"?
Inay: Tinuod kaayo! Tan-awa nang imong amahan,
hangtud karon buhi pa ang kanahan!
-oOo-

Asawa: Kinsa man na si Tessie sa imong damgo? Tubag!
Bana: Ayaw kasuko, Langga. Ngalan na sa kabayo nga akong gipustahan.
Asawa: Diay?! Hala tubaga ang telepono, kay ang kabayo nanawag!

BEC BULLETIN

PAROCHIAL FELLOWSHIP

BEC ALAGAD/PRESIDENTS

Brgy. HAGUICHIKAN Chapel - Abril 16, 2005

-oOo-

Sitio MAGTARAN-AN Chapel - Abril 17, 2005

BEC CLUSTER FELLOWSHIP

ILAYA & SMO. ROSARIO

Abril 2, 2005

Lugar: Cathedral Church

Oras: 6:30 PM.

-oOo-

TALUSTUSAN CLUSTER

Abril 24, 2005

Lugar: Talustusan Chapel

BEC 2nd ANNIVERSARY

Sitio Baras, Catmon - April 1, 2005

-oOo-

Lomboy Village, Calumpang - April 23, 2005

-oOo-

Sitio Mocalbocal, Catmon - April 27, 2005

-oOo-

Libtong Daku - April 29, 2005

Compliments

LJC Rice Mill
Sitio Lupa, Calumpang
AND Groceries
Ground Floor, Naval Mall
Owned & Managed by:
Bong Bongabong